

## म्हारे कालजे री कोर प्यारा प्यारा चितचोर | By Kemita Rahore

म्हारे कालजे ऋ कौर  
प्यारा प्यारा चितचोर  
म्हारे नैना सु नैन मिळाले रे  
बाबा कुछ म्हासु बतला ले रे  
बतला ले रे श्यामा कुछ म्हासु बतला ले रे

थारी कृपा सु सेठ सांवरा थारे द्वारे आया  
रोम रोम हरषायो म्हारो थारा दर्शन पाया  
कैसे प्यारो सिंगार, लेवु नज़र उतार  
कोई नज़र ना आज लगा दे रे  
श्यामा कुछ म्हासु बतला ले रे  
बतला ले रे बाबा कुछ म्हासु बतला ले रे

रंग बिरंगा गजरा थारी शोभा और बढ़ावे  
माथे मुकुट गले में कंठी केसर तिलक लगावे  
भगता बोले जय जयकार, गूंज्यो श्याम दरबार  
बाबा थोड़ी सी पलक उठा ले रे  
श्यामा कुछ म्हासु बतला ले रे  
बतला ले रे बाबा कुछ म्हासु बतला ले रे

आज तो थारे मुख मंडल री आभा लागे न्यारी  
नज़र ना ठहरे आज रूप पर जावां वारि वारि  
करां थारो गुणगान, दे दयो चरणा में स्थान  
म्हारे जन्मा री प्यास बुझा दे रे  
श्यामा कुछ म्हासु बतला ले रे  
बतला ले रे बाबा कुछ म्हासु बतला ले रे

सुण सुण बातां प्रेम भरो म्हारा बाबो फूल्यो जावे  
प्रेम भरी नज़राँ सु देख मीठो सो मुस्कावे  
उठी उठी जो हिलोर नाचे मनडा रो मोर  
नंदू मस्ती रो रंग बरसा दे रे  
श्यामा कुछ म्हासु बतला ले रे  
बतला ले रे बाबा कुछ म्हासु बतला ले रे

<https://bhaktivandana.com/lyrics/%e0%a4%ae%e0%a5%8d%e0%a4%b9%e0%a4%be%e0%a4%b0%e0%a5%87-%e0%a4%95%e0%a4%be%e0%a4%b2%e0%a4%9c%e0%a5%87-%e0%a4%b0%e0%a5%80-%e0%a4%95%e0%a5%8b%e0%a4%b0-%e0%a4%aa%e0%a5%8d%e0%a4%af%e0%a4%be%e0%a4%b0/>